

禮記要義

禮記要義卷第六

月令

二月令不合周法亦疑非呂不韋

案呂不韋集諸儒士著爲十二月紀合十餘萬言名爲呂氏春秋篇首皆有月令與此文同是一證也又周無大尉唯秦官有大尉而此月令云乃命大尉此是官名不合周法二證也又秦以十月建亥爲歲首而月令云爲來歲授朔日即是九月爲歲終十月爲授朔此是時不合周法三證也又周有六冕郊天迎氣則用大裘矣

玉輅建大常日月之章而月令服飾車旗並紀  
時色此是事不合周法四證也故鄭云其中官  
名時事多不合周法然案秦始皇十二年呂不  
韋死二十六年并天下然後以十月爲歲首歲  
首用十月時不韋已死十五年而不韋不得以  
十月爲正又云周書先有月令何得云不韋所  
造又秦并天下立郡何得云諸侯又秦以好兵  
殺害毒被天下何能布德施惠春不興兵

三周天里度之數指諸星以爲天

案鄭注考靈耀云天者純陽清明無形聖人則之制璿璣玉衡以度其象如鄭此言則天是大虛本無形體但指諸星運轉以爲天耳但諸星之轉從東而西必三百六十五日四分日之一星復舊處星既左轉日則右行亦三百六十五日四分日之一至舊星之處即以一日之行而爲一度計二十八宿一周天凡三百六十五度四分度之一是天之一周之數也天如彈丸圍圍三百六十五度四分度之一案考靈耀云一

度二千九百三十二里千四百六十一分里之  
三百四十八周天百七萬一千里者是天圓周  
之里數也以圍三徑一言之則直徑三十五萬  
七千里此爲二十八宿周廻直徑之數也然二  
十八宿之外上下東西各有萬五千里是爲四  
遊之極謂之四表據四表之內并星宿內總有  
三十八萬七千里然則天之中央上下正半之  
處則一十九萬三千五百里地在於中是地去  
天之數也

三 地與星辰俱有四遊升降

鄭注考靈耀云地蓋厚三萬里春分之時地正當中自此地漸漸而下至夏至之時地下游萬五千里地之上畔與天中平夏至之後地漸漸向上至秋分地正當天之中央自此地漸漸而上至冬至上游萬五千里地之下畔與天中平自冬至後地漸漸而下此是地之升降於三萬里之中但渾天之體雖繞於地地則中央正平天則北高南下北極高於地三十六度南極下

於地三十六度然則北極之下三十六度常見  
不沒南極之上三十六度常沒不見南極去北  
極一百二十一度餘若逐曲計之則一百八十  
一度餘若以南北中半言之謂之赤道去南極  
九十一度餘去北極亦九十一度餘此是春秋  
分之日道也赤道之北二十四度爲夏至之日  
道去北極六十七度也赤道之南二十四度爲  
冬至之日道去南極亦六十七度地有升降星  
辰者四遊又鄭注考靈耀云天旁行四表之中

冬南夏北春西秋東皆薄四表而止地亦升降  
於天之中冬至而下夏至而上二至上下蓋極  
地厚也地與星辰俱有四遊升降四遊者自立  
春地與星辰西遊春分西遊之極地雖西極升  
降正中從此漸漸而東至春末復正自立夏之  
後北遊夏至北遊之極地則升降極下至夏季  
復正立秋之後東遊秋分東遊之極地則升降  
正中至秋季復正立冬之後南遊冬至南遊之  
極地則升降極上冬季復正此是地及星辰四



遊之義也

④星辰亦隨地升降

星辰亦隨地升降故鄭注考靈耀云夏日道上與四表平下去東井十二度爲二萬里則是夏至之日上極萬五千里星辰下極萬五千里故夏至之日下至東井三萬里也

⑤日與星辰四遊相反相去三萬里

立春星辰西遊日則東遊春分星辰西遊之極日東遊之極日與星辰相去三萬里夏則星辰

北遊日則南遊夏至星辰北遊之極日南遊之  
極日與星辰相去三萬里以此推之秋冬於此  
可知計夏至之日日在井星正當高高之上以  
其南遊之極故在高高之南萬五千里所以夏  
至有尺五寸之景也於時日又止極星辰下極  
故日下去東井三萬里也然鄭四遊之極元出  
周髀之文但日與星辰四遊相及春分日在婁  
則婁星極西日體在婁星之東去婁三萬里以  
度言之十二度也則日沒之時去昏中之星近

校十度旦時日極於東去旦中之星遠校十度  
若秋分日在角則角星極東日體在角星之西  
去角三萬里則日沒之時去昏中之星遠校十  
度旦時日極於西去旦中之星近校十度此皆  
與曆乖違於數不合鄭無指解其事有疑但禮  
是鄭學故具言之耳賢者裁焉但二十八宿從  
東而左行日從西而右行一度逆沿二十八宿  
案漢書律歷志云冬至之時日在牽牛初度春  
分之時日在婁四度夏至之時日在東井三十

一度秋分之時日在角十度若日在東井則晝  
極長八尺之表尺五寸之景若春分在婁秋分  
在角晝夜等八尺之表七尺五寸之景冬至日  
在斗則晝極短八尺之表一丈三尺之景一丈  
三尺之中去其一尺五寸則餘有一丈一尺五  
寸之景是冬夏往來之景也凡於地千里而差  
一寸則夏至去冬至體漸南漸下相去一十萬  
五千里又考靈耀云正月假上八萬里假下一  
十萬四千里

十月行有遲速諸星皆周天外行一度

凡二十八宿及諸星皆循天左行一日一夜一周天一周天之外更行一度計一年三百六十五周天四分度之一日月五星則右行日一度月一日一十三度十九分度之七此相通之數也今曆家之說則月一日至於四日行最疾日行十四度餘自五日至八日行次疾日行十三度餘自九日至十九日行則遲日行十二度餘自二十日至二十三日又小疾日行十三

度餘自二十四日至於晦行文最疾日行一十四度餘此是月行之大率也二十七日月行一周天至二十九日強半月及於日與日相會乃爲一月故考靈耀云九百四十分爲一日二十九日與四百九十九分爲月是一月二十九日之外至第三十日分至四百九十九分月及於日計九百四十分則四百七十爲半今四百九十九分是過半二十九分也

十一月與星辰日照乃有光

月是陰精日爲陽精故周髀云日猶火月猶水  
火則外光水則含景故月光生於日所照魄生  
於日所蔽當日則光盈就日則明盡京房云月  
與星辰陰者也有形無光日照之乃有光先師  
以爲日似彈丸月似鏡體或以爲月亦似彈丸  
日照處則明不照處則闇

**二**因日月之會分爲大數

日月之行一歲十二會聖王因其會而分之以  
爲大數焉觀斗所建命其四時此云子要者者日

月會於娥訾而斗建寅之辰也凡記昏明中星者爲人君南面而聽天下視時候以授民事

**四**孟不必爲庶長

公子慶父庶長稱仲見莊二季疏

正義曰禮緯爲庶長稱孟故云孟長也若於人言之庶爲孟若於物言之直爲長也不取庶長之義先儒以孟春亦爲之庶長案尚書康誥云孟侯書傳天子之子十八稱孟侯並皆稱孟豈亦庶長乎

**四**日月十二會之大數



聖王因其日月自然之會而分爲十二分以爲大略之數焉所以爲大略之數者以二十九日過半月及於日日不可分兩月各有二十九日又兩月各強半之日合兩半而成一日是一月有三十日一月二十九日一大一小之外仍有餘分一年十二月六大六小總有三百五十四日是歲十二會之實數也仍少十一日四分日之一未得周天聖王總以三百六十五日四分日之一爲十二會之大數一會即一辰也

**甲乙**為日名不為月名

其日甲乙注云乙之言軋也日之行春東從青道發生萬物月為之佐時萬物皆解享甲自抽軋而出因以為日名焉乙不為月名者君統臣功也注於月名上

**陽律陰律候氣之法**

正義曰案司農注周禮云陽律以竹為管陰律以銅為管鄭康成則以皆用銅為之知者案律曆志量者龠合升斗斛本起黃鐘之龠而五量

加之其法皆用銅聲中黃鐘以此準之故知用  
也司農云陽律以竹陰律以銅非也云應謂  
吹灰也者蔡邕云以法爲室三重戶閉塗墁必  
周密布緹縵室中以木爲案每律各一案內庫  
外高從其方位加律其上以葭灰實其端其月  
氣至則灰飛而管通如蔡所云則是爲十二月  
律則布室內十二辰若其月氣至則其辰之管  
灰飛而管空也然則十二律各當其辰邪埋地  
下入地處庫出地處高故云內庫外高黃鐘之

管埋於子位上頭嚮南以外諸管推之可悉知  
又律去以河內葭莩爲灰宜陽金門山竹爲管  
熊氏云案吹灰者謂作十二律管於室中四時  
位上埋之地蘆葦燒之作灰而實之律管中以  
羅縠覆之氣至則吹灰動縠矣小動爲氣和大  
動爲君弱臣強專政之應不動縠爲君嚴猛之  
應云凡律空圍九分者以黃鐘爲諸律之首諸  
律雖長短有差其圍皆以九分爲限

廿七八生物九六成物

生物者謂木火七八之數也成物者謂金水九六之數也則春夏生物也秋冬成物也故易繫辭云精氣爲物遊魂爲變也注云精氣謂七八遊魂謂九六則是七八生物九六終物是也

**五臟配五行有二說**

異義云今文尚書歐陽說肝木也心火也脾土也肺金也腎水也古尚書說脾木也肺火也心土也肝金也腎水也許慎謹案月令春祭脾夏祭肺季夏祭心秋祭肝冬祭腎與古尚書同

駁之云月令祭四時之位及其五藏之上下次  
之耳冬位在後而腎在下夏位在前而肺在上  
春位小前故祭先脾秋位小却故祭先肝腎也  
脾也俱在鬲下肺也心也肝也俱在鬲上祭者  
必三故有先後焉不得同五行之氣今醫病之  
法以肝爲木心爲火脾爲土肺爲金腎爲水則  
有瘳也若反其術不死爲劇如鄭此言五行所  
主則從今文尚書之說不同許慎之義

四漢始亦以驚蟄爲正月中

漢始亦以驚蟄爲正月中者以漢之時立春爲正月節驚蟄爲正月中氣雨水爲二月節春分爲二月中氣至前漢之末以雨水爲正月中驚蟄爲二月節故律曆志云正月立春節雨水中二月驚蟄節春分中是前漢之末劉歆作三統曆改驚蟄爲二月節鄭以舊曆正月啓蟄即驚也故云漢始亦以驚蟄爲正月中但蟄蟲正月始驚二月大驚故在後移驚蟄爲二月節雨水爲正月中凡二十四氣云云

三統曆三月節穀雨清明中

案通卦驗及今曆以清明爲三月節穀雨爲三  
月中餘皆與律曆志並同案三統曆則三月節  
穀雨清明中

二月令車馬衣服非周制

凡此車馬衣服皆所取於殷時而有變焉非周  
制也周禮朝祀戎獵車服各以其事不以四時  
爲異又玉藻曰天子龍袞以祭玄端而朝日皮  
弁以日視朝與此皆殊



四六畜取象多塗

羊火畜也者案尚書五行傳曰貌之不恭則有  
雞禍注雞畜之有冠翼者屬貌言之不從則有  
犬禍注犬畜之以口吠守者屬言視之不明則  
有羊禍注羊畜之遠視者屬視聽之不聰則有  
豕禍注豕畜之居閑衛而聽者屬聽思之不睿  
則有牛禍注地厚德載物牛畜之任重者屬思  
皇之不極則有馬禍注天行健馬畜之疾行者  
屬皇極是雞爲木畜羊爲火畜牛馬土畜犬爲

金畜爲水畜但陰陽取象多陰故午爲馬酉  
爲雞不可一定也

**中數曰歲朔數曰年**

掌正歲年以序事者太史職文鄭注去中數曰  
歲朔數曰年中數者謂十二月中氣一周總三  
百六十五日四分日之一謂之一歲朔數者朔  
十二月之朔一周謂三百五十四日謂之爲年  
此是歲年相對故有朔數中數之別若散而言  
之歲亦年也故爾雅釋天云唐虞曰載夏曰歲

商曰祀周曰年是也

**四十六**辰隨天左行日月星右行

天文及日月星辰之行天則左還一日一度一年三百六十五度四分度之一又至周一度日月五星並逆行天右行各有多少辰有二十八宿亦隨天左行

**四十七**郊用元日耕用元辰

是月也天子乃以元日祈穀于上帝乃擇元辰天子親載耒耜措之于參保介之御間帥三公

九卿諸侯大夫躬耕帝藉天子三推三公五推卿諸侯九推注云謂以上辛郊祭天也春秋傳曰夫郊祀后稷以祈農事是故啓蟄而郊郊而後耕上帝大微之帝也元辰蓋郊後吉亥也正義曰甲乙丙丁等謂之日郊之用辛上云元日子丑寅卯之等謂之爲辰耕用亥日故云元辰盧植蔡邕並云郊天是陽故用日耕藉是陰故用辰元者善也郊雖用日亦有辰但日爲吉主耕之用辰亦有日但辰爲主皇氏云正月建寅

三十七  
日月會辰在亥故耕用亥也未知然否

十月天氣上騰其實反歸地下

正月爲泰泰通也天地交通七月爲否否塞也  
言天地隔塞所以十月去地氣下降天氣上騰  
者以十月之時純陰用事地體凝凍寒氣逼物  
地又在下故云地氣下降於時六陽從上退盡  
無復用事天體在上不近於物似若陽歸於天  
故去天氣上騰其實十月天氣反歸地下若審  
察於此不足可疑而劉洽汜閣皇侃之徒既不

審知其理又不能定其旨趣誼誼撓撓亦無取

焉

未見三家之說

**禮** 犧牲用牝不用牝

命祀山林川澤犧牲毋用牝注云爲傷妊生之類若天地宗廟大祭之時雖非正月皆不用牝

**禮** 伐木有禁有不禁

禁止伐木者禁謂禁其欲伐止謂止其已伐者此伐木在山中或在禁障之處十月許人採取至正月之時禁令止息故王制云草木零落然

後入山林詩魚麗傳云草木不折不操斧斤不入山林是也若國家隨時所須以爲材用者雖非冬月亦得取之故山虞有仲冬斬陽木仲夏斬陰木又云邦工入山林而輪材不禁是也其非是所禁之處春秋亦得取之故周禮云春秋之斬木不入禁鄭注斬四野之木可若於正月皆禁之

**四**火訛以巳乘寅

以巳來乘寅巳爲火故火來也寅爲天漢之津

火雖欲來而畏水終竟不來但訛言道火相恐動也

箕畢尚妻之所好

案鄭注洪範中央土氣爲風東方木氣爲雨箕屬東方木木剋土土爲妃尚妃之所好故箕星好風也西方金氣爲陰剋東方木木爲妃畢屬西方尚妻之所好故好雨也今申氣乘寅兩相衝破申來逆寅寅爲風風之被逆故爲姦風寅往破申申爲兩雨之被逆故爲暴雨也



卷之十四  
井斗度寬故舉弧建

日月會于降婁言物降落而收斂而斗建卯之辰者斗星隨天而轉一日一夜過轉一周而行一度故正月建寅二月建卯也云弧在輿鬼南建星在斗上者熊氏說云石氏星經文弧與建星非二十八宿而昏明舉之者由弧星近井建星近斗井有三十三度斗有二十六度其度既寬若舉井斗不知何日的至井斗之中故舉弧建星也

尚書月令舉星不同

此仲春之月昏弧中案尚書云日中星鳥不測者如鄭康成之意南方七宿總爲鳥星并鬼則鳥星之分故云星鳥與此同也案仲夏昏亢中尚書云日永星火不同者案鄭答孫顯云星火非謂心星也卯之三十度總爲大火其曰大火之次有星者月令舉其月初尚書總舉一月故不同也案仲秋之月昏牽牛中尚書云宵中星虛其仲冬之月云東壁中尚書云日短星昴不

同者亦是月令舉其初朔尚書總舉一月之中  
理亦不異孔安國注尚書與此則別尚書所舉  
星者自取畢見之義不謂南方之中

四 日夜分馬蔡鄭不同

正義曰日夜分謂晝夜漏刻馬融云晝有五十  
刻夜有五十刻據日出日入爲限蔡邕以爲星  
見爲夜日入後三刻日出前三刻皆屬晝晝有  
五十六刻夜有四十四刻鄭康成注尚書云日  
中星以爲日見之漏五十五刻不見之漏四十

五刻與蔡校一刻也大略亦同

**四**雷乃發聲始電

雷乃發聲者雷是陽氣之聲將上與陰相衝蔡  
邕云季冬雷在地下則雉應而雉孟春動於地  
之上則蟄蟲應而振出至此升而動於天之下  
其聲發揚也以雷出有漸故言乃云始雷者雷  
是陽光陽微則光不見此月陽氣漸盛以擊於  
陰其光乃見故云始電

**四**廟寢之制

凡廟前曰廟後曰寢者廟是接神之處其處尊故在前寢衣冠所藏之處對廟爲卑故在後但廟制有東西廂有序牆寢制唯室而已故釋宮云室有東西廂曰廟無東西廂有室曰寢是也

虹是陰陽交會之氣

云螭螭謂之虹者爾雅釋天文郭氏云雄者曰虹雌者曰蜺雄謂明盛者雌謂闇微者虹是陰陽交會之氣純陰純陽則虹不見若雲薄漏日日照雨滴則虹生

**辨變化有漸改有忽改**

凡去化者若鼠化爲鴛鴦還化爲鼠皇氏云反歸舊形謂之化案易云乾道變化謂先有舊形漸漸改者謂之變雖有舊形忽改者謂之化及本無舊形非類而改亦謂之化故鄭注周禮云能生非類曰化也

**九門**

田獵置罟羅罔畢翳餽獸之藥母出九門注云天子九門者路門也應門也雉門也庫門也臯

門也城門也近郊門也遠郊門也關門也

二月浴蠶種三月浴蠶

仲春既帥命婦躬桑浴種至季春又更躬桑浴蠶也故熊氏云案馬質注云蠶為龍精月直大  
火則浴其種是二月浴種也祭義云大昕之朝  
奉種浴于川注云大昕季春朔日是三月又浴  
蠶也

外內子女命婦

女外內子女者解經中女字外子女謂王外姓

甥之女者王之同姓子女則周禮之外宗內  
皆以嫁有爵者故內宰云帥外內命婦言內命  
婦則未出嫁者不在焉鄭注周禮士妻亦爲命  
婦則士妻亦在

■季春難陰氣

命國難九門磔攘以畢春氣注云此難難陰氣  
也陰寒至此不止害將及人所以及人者陰氣  
右行此月之中日行歷昂昂有大陵積尸之氣  
氣佚則厲鬼隨而出行命方相氏帥百隸索室



歐疫以逐之又磔牲以攘於四方之神所以畢  
止其災也王居明堂禮曰季春出疫于郊以攘  
春氣正義曰陰氣右行此月之中日行曆昴昂  
有大陵積尸之氣者天氣左轉故斗建左行謂  
之陽氣日月右行日月比天爲陰故云陰氣右  
行以此月之初日在於胃此月之中從胃歷昴  
去有大陵積尸者元命包云大陵主尸熊氏引  
石氏星經大陵八星在胃北主死喪

**祀竈之禮**

其祀竈祭先肺注云夏陽氣盛熱於外祀之於竈從熱類也祀之先祭肺者陽位在上肺亦在上肺爲尊也竈在廟門外之東祀竈之禮先席於門之奧東面設主于竈陴乃制肺及心肝爲俎奠于主西又設盞于俎南亦祭黍三祭肺心肝各一祭醴三亦既祭徹之更陳鼎俎設饌于庭前迎尸如祀戶之禮

**四**孟夏封諸侯違古

不言帥諸侯而云封諸侯諸侯時或無在京師

者空其文也。祭統曰：古者於禘也，發爵賜服，順陽義也；於嘗也，出田邑，發秋政，順陰義也。今此行賞可也，而封諸侯則違於古。封諸侯出土地之事於時，未可似失之。

四四

太尉秦官知月令非周公作

命大尉贊桀俊能者也。遂猶進也。三王之官有贊猶出也。桀俊能者也。遂猶進也。三王之官有司馬無大尉。秦官則有大尉。今俗人皆云周公作月令，未通於古。正義曰：云三王之官有司馬。

無太尉者案書傳有司馬公司徒公司空公  
三卿此夏制也案曲禮下云司徒司馬司空司  
士司寇此殷制也周禮則有夏官司馬是三王  
有司馬無大尉案中候握河紀云舜爲大尉此  
堯時置之三王不置也云秦官則有大尉者案  
漢書百官表云大尉秦官是也云今俗人皆云  
周公作月令未通於古者俗人謂賈逵馬融之  
徒皆云月令周公所作故王肅用焉此等未通  
識於古古謂秦以前不知三王無大尉是未通

於古

**四**純陽之月非斷刑決罪時

靡草死麥秋至斷薄刑決小罪注云舊說云靡草薺亭歷之屬祭統曰草艾則黑謂立秋後也刑無輕於墨者今以純陽之月斷刑決罪與母有壞墮自相違似非

**四**收繭稅

蠶事畢后妃獻繭乃收繭稅以桑爲均貴賤長幼如一以給郊廟之服注云后妃獻繭者內命

婦獻繭於后妃收繭稅者收於外命婦外命婦  
雖就公桑蠶至而蠶其夫亦當有祭服以助祭  
收以近郊之稅耳貴賤長幼如一國服同

疏見卷末

**四** 陰生爲主陽謝爲賓

律中蕤賓注云蕤賓者應鍾之所生三分益二

律長六寸八十一分寸之二十六仲夏氣至則

蕤賓之律應周語曰蕤賓所以安靜神人獻酬

交酢正義曰何者去乾九四是月陽反於下爲

復陰生陽中爲姤各應其時所以安靜是安靜

神人也陰生爲主陽謝爲賓賓主之象獻酬之禮獻酢又酬之陰陽代謝之義也

四搏勞即伯勞蝦蟇非反舌

云搏勞者詩云七月鳴鵙箋云伯勞鳴將寒之候五月則鳴幽地晚寒鳥物之候從其氣焉云百舌鳥者蔡玄蟲名鼃也今謂之蝦蟇其舌本前著口側而末嚮內故謂之反舌通卦驗曰搏勞鳴蝦蟇無聲又靡信古昔於長安中與書生數十共往城北水中取蝦蟇屠割視之其舌反

繼後如此鄭君得不通乎螭夙問曰誠如緯  
子言爲蝦蟇五月中始得水適當聒人耳何反  
無聲此者著時候今猶昔也是以知蝦蟇非反  
舌反舌鳥春始鳴至五月稍止其聲數轉故名  
反舌時候言之今人識之故不從緯與俗儒也  
或蝦蟇舌性自然不必爲反舌也

**四**雩之正以四月又有因旱而雩

命有司爲民祈祀山川百源大雩帝用盛樂乃  
命百縣雩祀百辟卿士有益於民者以祈穀實



注云陽氣盛而常旱山川百源能興雲雨者也  
衆水始所出爲百源必先祭其本乃雩雩吁嗟  
求雨之祭也雩帝謂爲壇南郊之旁雩五精之  
帝配以先帝也自輶輶至祝敵皆作曰盛樂凡  
他雩用歌舞而已百辟卿士古者上公若句龍  
后稷之類也春秋傳曰龍見而雩雩之正當以  
四月凡周之秋三月之中而旱亦脩雩禮以求  
雨因著正雩此月失之矣天子雩上帝諸侯以  
下雩上公周冬及春夏雖旱禮有禱無雩

**有雩有禱**

雩之與禱所以異者考吳郵說云天子禱九  
山川諸侯禱封內大夫禱所食邑又僖公三時  
不雨帥羣臣禱山川以過自讓凡雩必先禱故  
此經云乃命百縣祈祀山川百源始大雩帝是  
也禱者不雩僖公二年冬十月及三年春正月  
夏四月直爲禱祭不爲雩以非雩月故不雩

**夏至八能之士**

正義曰案易緯通卦驗云夏至人主從八能之

士或調黃鍾或調六律或調五音或調五聲或  
調五行或調律曆或調陰陽或調正德所行注  
從八能之士謂選於天下人衆之中取其習曉  
者而使之

### 臺榭之別

閣者謂之臺有木者謂之榭正義曰案釋宮云  
閣謂之臺李巡云積土爲之所以觀望郭景純  
云積土四方又云無室曰榭李巡云但有大殿  
無室名曰榭郭景純云榭今之堂堦

**五**季夏取甲物似誤當是秋

命漁師伐蛟取鼃登龜取鼃注云四者甲類秋  
乃堅成周禮曰秋獻龜魚又曰凡取龜用秋時  
是夏時之秋也作月令者以爲此秋據周之時  
也周之八月夏之六月因書於此似誤也蛟言  
伐者以其有兵衛也龜言登者尊之也鼃鼃言  
取羞物賤也鼃皮又可以冒鼓今月令漁師爲  
榜人榜必孟反

**五**蟋蟀

正義曰蟋蟀居壁者此物生在於土中至季夏  
羽翼稍成未能遠飛但居其壁至七月則能遠  
飛在野案爾雅釋蟲云蟋蟀蜚也孫炎曰蜻蛉  
也梁國謂蜚郭景純云今促織蔡以爲蟋蟀斯  
蟲非也

**周素染物之時不同**

命婦官染采黼黻文章必以法故無或差質黑  
黃者赤莫不質良毋敢詐僞注云婦官染人也  
采五色質正也良善也所用染者當得其采正

善也正義曰必以此月染之者以其盛暑濕染帛爲宜此是秦法也若周則於夏豫浸治染纁玄之石至秋乃總染五色故染人云夏纁玄秋染夏是也蓋從夏至秋皆得染物周秦各用一時也

**國** 動民心則害土神之氣土用事於未月

不可以興土功不可以合諸侯不可以起兵動衆母舉大事以搖養氣母發令而待以妨神農之事也水潦盛昌神農將持功舉大事則有天

殃注云土將用事氣欲靜大事興繇役以有爲  
發令而待謂出繇役之令以預驚民也民驚則  
心動是害土神之氣土神稱曰神農者以其主  
於稼穡言土以受天雨澤安靜養物爲功動之  
則致害也孝經說曰地順受澤謙虛開張含泉  
任萌滋物歸中正義曰土雖寄王於四季但南  
方火生中央土土生西方金金火之間位當建  
未之月故云土將用事氣欲靜也

四時之季日合黃道

正義曰案考靈耀春則星辰西遊謂星辰在黃道之西遊也日依常行在黃道之東至季春之月星辰入黃道復其正處日依黃道而行是春夏之間日從黃道夏則星辰北遊謂星辰在黃道之北遊也日依常行在黃道之南至季夏星辰入黃道復正位日依常行黃道至夏秋之間日從黃道也秋則星辰東遊謂星辰在黃道東遊日依常行在黃道之西至季秋星辰入黃道還復正位日依黃道而行至秋冬之間日從黃



道也冬則星辰南遊謂星辰在黃道南遊日依  
常行在黃道之北至季冬星辰入黃道還正位  
日依常行黃道至冬春之間日從黃道也鄭注  
洪範云四時之間合於黃道也

**四** 土王之律獨取聲應

正義曰黃鍾之宮於諸宮爲長季夏土王其聲  
最重謂土之聲氣應此黃鍾之宮聲非黃鍾一  
聲也故特云律中者黃鍾之宮也黃鍾候氣之  
管本位在子此是黃鍾宮聲與中央土聲相應

但土無候氣之法取黃鍾宮聲以應土耳四時之律皆取氣應而土王之律獨取聲應者一者欲與四行為互二者為無別候土氣之管故也土無候氣之管者以寄王四季之末故從四時之管而不別候也唯以四行末十八日為土之氣也

●五聲濁尊清卑

凡五聲濁者尊清者卑為商聲之濁次於宮宮既為君商則為臣故云以其濁次宮臣之象也

孟秋禁封侯割地失其義

是月也毋以封諸侯立大官毋以割地行大使  
出大幣注云古者於嘗出田邑此其月也而禁  
封諸侯割地失其義

凡鳥隨陰陽者不居中國

盲風至鴻鴈來玄鳥歸羣鳥養羞注六皆記時  
候也盲風疾風也玄鳥燕也歸謂去蟄也凡鳥  
隨陰陽者不以中國爲居羞謂所食也夏小正  
曰九月丹鳥羞白鳥說曰丹鳥也者謂丹良也

白鳥也者謂鷓鴣也其謂之鳥者重其養者也  
有翼爲鳥養也者不盡食也二者文異羣鳥所  
良未聞孰是正義曰皇氏以爲丹良是熒火今  
案爾雅釋蟲郭氏等諸釋皆不云熒火是丹良  
未聞皇氏何所依據

四  
仲秋難陽氣

天子乃難以達秋氣注云此難難陽氣也陽暑  
至此不衰害亦將及人所以及人者陽氣左行  
此月宿直昴畢昴畢亦得大陵積尸之氣氣佚

則厲鬼亦隨而出行於是亦命方相氏帥百隸而難之王居明堂禮曰仲秋九門磔攘以發陳氣禦止疾疫

●穀以麥爲重

乃勸種麥毋或失時其有失時行罪無疑注云麥者接絕續乏之穀尤重之

●天根見而水涸

是月也日夜分雷始收聲蟄蟲坏戶殺氣浸盛陽氣日衰水始涸注云又記時候也雷始收聲

在地中動內物也坏益也蟄蟲益戶謂稍小之也涸竭也此甫八月中雨氣未止而玄水竭狀也周語曰辰角見而雨畢天根見而水涸又曰兩畢而除道水涸而成梁辰角見九月本也天根見九月末也王居明堂禮曰季秋除道致梁以利農也

**陰**

陽氣初胎於酉

蔡氏云陽氣初胎於酉故八月薺麥應時而生也

辰角見九月本天根見九月末

云辰角見九月本天根見九月末此鄭之言也  
九月本謂九月之初也案律曆志角十二度亢  
九度天根在亢之後辰角與天根相去二十一  
度餘日校一度則九月本與九月末相去二十  
一日有餘也而韋昭注國語辰角見雨畢之後  
五日天根見不同者蓋辰角見後雨以漸而畢  
畢後五日始天根見中間亦校二十餘日也非  
謂辰角見後五日則天根見也

息民之祭與蜡異蜡亦曰臘

臘先祖五祀者臘獵也謂獵取禽獸以祭先祖  
五祀也此等之祭總謂之蜡若細別言之天宗  
公社門閭謂之蜡其祭則皮弁素服葛帶榛杖  
其臘先祖五祀謂之息民之祭其服則黃衣黃  
冠鄭注郊特牲云息民與蜡異案雜記子貢觀  
蜡云一國之人皆若狂者案鄉飲酒初立賓行  
禮至禮終說屨升堂而燕行無筭爵然則初時  
正齒粒後則皆狂蜡祭蔡邕云夏曰清祀殷曰




嘉平周曰蜡秦曰臘案左傳去虞不臘矣是周亦有臘名也

**十二** 冬至日在斗牛度數

正義曰案律曆志云仲冬之初日在斗十二度故云日在斗也三統曆大雪日在斗十二度昏壁五度中去日八十四度旦角三度中冬至日在牛初度昏奎十度中去日八十二度旦亢七度中元嘉曆云大雪日在箕十度昏氐九度中旦軫八度中冬至日在斗十四度昏東壁八度

中書漏四十五刻旦角七度中

天地之房

地氣沮泄是謂發天地之房者約束有司若其  
不固汝所閉之事令地沮泄謂泄漏地之陽氣  
是發徹天地之房房是人次舍之處擁蔽於此  
之時天地亦擁蔽萬物不使宣露與房舍相似  
、芸荔蚯蚓隨陽而動

正義曰芸始生荔挺出者皇氏云以其俱香草  
故應陽氣而出而蚯蚓結者蔡云結猶屈也蚯

蜺在穴屈首下嚮陽氣氣動則宛而上首故其  
結而屈也麋角解者說者多家皆無明據熊氏  
云鹿是山獸夏至得陰氣而解角麋是澤獸故  
冬至得陽氣而解角今以麋爲陰獸情淫而遊  
澤冬至陰方退故解角從陰退之象鹿是陽獸  
情淫而遊山夏至得陰而解角從陽退之象旣  
無明據故略論焉若節氣早則麋角十一月解  
故夏小正云十一月麋角墮墮是也若節氣晚  
則十二月麋角解故小正云十二月墮麋角

天子之相六國以後之相

命相布德和令行慶施惠下及兆民注云相謂三公相王之事正義曰案公羊隱五年傳云三公者何天子之相也自陝而東者周公主之自陝而西者召公主之一相處乎內是三公相王之事也至六國時一人知事者特謂之相故史記稱穰侯范雎蔡澤皆爲秦相後又爲丞相也

十月乃云天騰地降

正義曰若以易卦言之七月三陽在上則天氣

上騰三陰在下則地氣下降也今十月乃云天氣上騰地氣下降者易含萬象言非一槩周流六虛事無定體若以爻象言之則七月爲天氣上騰地氣下降若氣應言之則從五月地氣上騰至十月地氣六陰俱升天氣六陽並謝天體在上陽歸於虛无故云上騰地氣六陰用事地體在下陰氣下連於地故云地氣下降各取其義不相妨也

六 征鳥厲疾

征鳥厲疾注云殺氣當極也征鳥題肩也齊人  
謂之擊征或名曰鷹仲春化爲鳩

**節氣**有早晚故諸書各異

正義曰鷹北鄉有早有晚早者則此月北鄉晚  
者二月乃北鄉故易說云云二月驚蟄候鷹北  
鄉鵲始巢者此據晚者若早者十一月始巢故  
詩緯推度災云復之日鵲始巢是也雉雊雞乳  
者易通卦驗云雉雊雞乳在立春節與此同以  
立春在此月也通卦驗又云小寒虎始交豺祭

獸此季冬不言者文不具也若節氣晚則季冬  
虎交若節氣早則在仲冬

**出土牛**

正義曰出土牛以送寒氣者出猶作也此時強  
陰既盛年歲已終陰若不去凶邪恐來歲更爲  
人害其時月建丑又土能剋水持水之陰氣故  
特作土牛以畢送寒氣也注云出猶作也丑爲  
牛牛可牽止也送猶畢也

**孟月祭宗此季冬祭**

正義曰案上孟冬祈來年于天宗大割祠於公  
社臘先祖五祀是謂蜡祭則百神皆祭則一變  
而致羽物山林之祇再變而致鱗物川澤之祇  
是蜡祭並祭山川也是嶽瀆及衆山川也孟冬  
不見者文不具孟冬祭嶽瀆因及衆山川至此  
又更祭衆山川山川少於嶽瀆是孟月祭其宗  
此月祭其佐前孟冬是祭先嗇神農并祭五帝  
但孟冬其文不具則五帝爲宗大臣句芒等爲  
佐是孟月祭其宗此月祭其佐也孟冬祭司中



等是孟月祭宗此月祭佐則天神人鬼山川等皆有宗有佐也

**八**諸侯卿大夫至民賦犧牲同姓共芻豢

乃命大史次諸侯之列賦之犧牲以共皇天上帝社稷之饗乃命同姓之邦共寢廟之芻豢命宰歷卿大夫至于庶民主田之數而賦犧牲以共山林名川之祀凡在天下九州之民者無不咸獻其力以共皇天上帝社稷寢廟山林名川之祀注云此所與諸侯共者也列國有大小也

賦之犧牲大者出多小者出少饗獻也此所以  
與同姓共也芻豢猶犧牲此所與卿大夫庶民  
共者也歷猶次也卿大夫采地亦有大小其非  
采地以其邑之民多少賦之民非神之福不生  
雖有其邦國采地此賦要由民出正義曰來歲  
方祭祀須犧牲犧牲出諸侯之國國有大小故  
命大史書列之以共賦也諸侯同王南面專王  
之土故命之出牲以與王共事天地也旣漫言  
諸侯則異姓同姓俱然也賦之犧牲者賦稅出

也言芻乃是牛羊而又云豢則是犬豕也天地  
不用犬豕社稷大牢乃有豕而不用犬故沒其  
芻豢而徒云天地犧牲也宗廟備六牲故云芻  
豢也宰小宰也歷亦次也卿大夫謂畿內有采  
地者歲終又小宰列次畿內之地大小并至於  
庶民受田准土田多少之數賦之犧牲以共山  
林名川之祀不云士者上舉卿大夫下舉庶民  
則士在其中省文耳注云此所與卿大夫庶民  
共之則各賦稅之卿大夫出其采地賦稅無采

地出其邑之賦稅庶人無邑出其賦稅以與邑  
宰邑宰以共上是庶人亦出賦也故下云凡在  
天下九州之人無不咸獻其力是也

### 佩玉之制

佩玉之制案韓詩外傳云佩玉上有葱衡下有  
雙璜牙蠙珠以納其間則古之佩玉上以葱爲  
衡橫置於上以貫珠之繩三條懸於衡上垂之  
而下以雙璜懸於兩畔繩之下端又以牙懸於  
中繩下端使前後觸璜以爲聲衡之下璜之上

皆貫蠙珠故云蠙珠以納其間謂納於衡璜之間也此以下補遺 追書篇首注疏

古今文尚書

尚書有古有今壁裏所得膠東庸生所傳者謂之古文尚書晁錯所受伏生二十九篇夏侯歐陽所傳者謂之今文尚書鄭據而引之故云今尚書

外命婦爾稅少以夫當有祭服

皇氏云外命婦既就公家之桑而養蠶則爾當

我輸於公所以唯皆稅其繭餘得自入者以其  
夫當有祭服以助王祭故令繭得自入以供造  
也今謂夫助祭之服當公家所爲故禮再命受  
服言外命婦雖就公桑蠶室而蠶既是官家之  
桑繭不應全入於己所以有稅者以其夫亦當有  
祭服官家所給故輸繭稅以供造之但稅寡少  
故去收以近郊稅耳知收以近郊稅者載師去  
近郊十一公桑在國北近郊故知收以近郊去  
貴賤長幼如一國服同者案泉府去凡賒者以

國服爲之息國服謂國家貢賦服事在上各有  
等限謂之國服言貴賤長幼出繭稅俱以十一  
等限齊同故去國服同其受桑則貴賤異也貴  
者桑多賤者桑少爲皆計繭爲稅十一之也

四八 陰中時有陽陽中時有陰

正義曰去祀之先祭肝者秋爲陰中於藏值肝  
者以陰氣始於五月終於十月其七月八月爲  
陰之中故去秋爲陰中其陽氣始於十一月終  
於四月正月二月爲陽中故正月去春爲陽中

然陰中之時兼有陽陽中之時兼有陰亦是陰陽之中也今五藏肺最在前心次之肝次之脾次之腎爲後肝在心肺之下脾腎之上故去於藏值肝然脾在肺心肝之下腎之上則是上有肺心肝下唯有腎不當其中而去春爲陽中於藏值脾者但五行相次水則次木故春繼於冬腎後則次脾其火後則次土土後乃次金故秋不得繼夏由隔於土由此脾不得繼肺隔於心也爲此肝之上有肺有心脾之下唯有腎俱得



爲藏之中也

二十八宿之度歲星之次

案律曆志二十八宿之度角一十二度亢九  
氏十五房五心五尾十八箕十一東方七十五  
度斗二十六牛八女十二虛十危十七營室十  
六壁九北方九十八度奎十六婁十二胃十四  
昂十一畢十六觜二參九西方八十度井三  
十三鬼四柳十五星七張十八翼十八軫十七  
南方一百一十二度丑爲星紀初斗十二度終

娶女七度子爲玄枵初娶女八度終於危十五  
度亥爲娵觜初危十六度終於奎四度戌爲降  
婁初奎五度終於胃六度酉爲大梁初胃七度  
終於畢十一度申爲實沈初畢十二度終於井  
十五度未爲鶉首初井十六度終於柳八度午  
爲鶉火初柳九度終於張十六度巳爲鶉尾初  
張十七度終於軫十一度辰爲壽星初軫十二  
度終於氐四度卯爲大火初氐五度終於尾九  
度寅爲析木初尾十度終於斗十一度五星者

東方歲星南方熒惑西方太白北方辰星中央鎮星其行之遲速俱在律曆志

獨不載零四分度之一

呂令周禮俱用夏正

呂不韋在於秦世秦以十月爲歲首不用秦正而用夏時也以夏數得天正故用之也周禮雖以建子爲正其祭祀田獵亦用夏正也

月令昏明中星不與曆正同

日在營室者案三統曆立春日在危十六度正月中日在室十四度元嘉曆立春日在危三度

正月中日在室一度昏參中者案三統曆立春  
昏畢十度中去日八十九度正月中昏井二度  
中去日九十三度元嘉曆立春昏昴九度中月  
半昏觜觿一度中皆不昏參中者月令昏明中  
星皆大略而言不與曆正同但有一月之內有  
中者即得載之計正月昏參中依三統曆在立  
春之後六日參星初度昏得中也但二十八宿  
其星體有廣狹相去遠近或月令月中之日昏  
明之時前星以過於午後星未至正南又星有

明暗見有早晚明者昏早見而旦晚沒暗者則  
昏晚見而旦早沒所以昏明之星不可正依曆  
法但舉大略耳餘月昏明從此可知

禮記要義卷第六